




ILLOQARFIUP ILAANUT PILERSAARUT S7-2

August 1988



Qaqortoq Kommune

ILLOQARFIUP IMMIKKOORTUANUT PILERSAARUSIAQ SUNAANA.

Kommunit pilersaarusiortarnerat pilersaarusiortaatsinut marlunnut immikkoorti-taavoq, illoqarfimmut pilersaarussiaq illoqarfiullu immikkoortuanut pilersaarut. Pilersaarusiortaatsit taakku inatsisitigut aalajangigaapput landstingip peqqus-sutaa nr. 1 2. febr. 1981-imeersoq illoqarfinnullu pilersaarusiortarneq pillu-gu nalunaarut nr. 470 26. nov. 1979-imeersoq naapertorlugit.

Illoqarfimmut pilersaarussiaq aqutsinermi qullersatut atortussaariarmat illoqar-fiup immikkoortuanik pilersaarussiaq suliap ineriartuaarneqarnerani atortussaas-saaq. Illoqarfimmut pilersaarussiaq arlaliñnik immikkoortortaqarpoq B1, B2 il. il. tamarmik immikkut nunamerngup atornissaanik nalunaarsuutitalinnik.

Immikkoortut taakku iluanni annerusunik sanaartortoqassagaangat kommunalbesty-relsip pisinnaatitaaffigalugulu pisussaaffigaa illoqarfiup immikkoortuanut pi-lersaarutitik pissarsiniassalluni. Illoqarfiup immikkoortuanut pilersaarussiaq naammassinninnissamat atortussatut pisortatut oqartussaasut namminersortullu siunissami pissusioreersunik allanngortitsiniarlutik iliuuseqarniarnissaannut najoqqutaassamat pilersaarussiaq naapertorlugu ingerlatsisoqassaaq.

TAMANUT SAQQUMMIUSSINISSAQ PILLUGU AALAJANGERSAKKAT.

Inatsimmi aalajangigaavoq kommunalbestyrelsip illoqarfiup immikkoortuanut pi-lersaarut illoqarfiulluunniit immikkoortuanut pilersaarummut siunnersuut akuer-sissutigereeraangagu taava tamanut takusassiarineqartassaaq nunamik pilersaar-u-siornermi ataatsimiititaliamut nassiunneqannginnerani.

Tamanna pissaaq atortussat tamanut takusassiaralugit sivikinnerpaamik sap. akun-nerini 3-ni.

Tamatuma saniatigut ullormit tamanut takusassiarinniffiusumiit sivikinnerpaamik sap. akunneri 6 qaangiutsinnagit oqaaseqaateqarnissamat allannguutissatulluunniit siunnersuuteqarnissamat periarfissaqarpoq.

Qaqortoq kommune

IMMIKKOORTUMUT PILERSAARUSIAQ S7-2

Qaqortumi illoqarfiup qorsuttassaanut utoqqaallu illussaannut immikkoortumut pilersaarussiaq

Imai

NASSUIAAT

Aallaqqaasiut	1
Immikk.pilersaarusiap pilersaarusiukkanut allanut naleqqiunnera	1
Immikkoortumut pilersaarusiap inatsisitigut sunniutigigallagai	1
Immikkoortumut pilersaarusiap inatsisitigut sunniutai	1
Immikkut akuersissuteqartoqarsinnaaneranut periarfissat	2
Illoqarfiup immikkoortuanut pilersaarusiap akuersissutigineqarnera	2
nunap assinganik bilag nr. 1 ... nunap assingatigut takussutissiaq	3

ILEQQOREQQUSANUT SAMMISORTAI

Immikkoortumut pilersaarusiap siunertai	4
immikkoortumut pilersaarusiap eqqangiisimini killingi	4
Immikkoortumut pilersaarusiap nunataata atorneqarnissaa	4
Aqquserngit, aqqusineqqat bilillu uninngasarfii	4
Illuliortiterfissap annertussusia inissisimaneralu	5
Sanaartugassat silatiminni isikkussaat	5
Nunaminertat sanaartorfiusussaangitsut	5
Kussiassat teknikkikkullu atortulersuutissat	6
Akuersilluni atsiuinerit	6

Nunap assinganik bilag nr. 2 ... assiliat sinaakkusikkat ill.pilersaarusiamit	7
nunap assinganik bilag nr. 3 ... pilersaarussianik takussutissiaq	8
nunap assinganik bilag nr. 4 ... imm.pilersaarusiamut nunap assiliaq	9

1. Aallaqqaasiut.

Immikkoortumut S7-2-mut pilersaarusiami siunertaavoq illoqarfimmut pilersaarusi-
ami S7-imi nunaminertami killilikkami sanaartorfissamut aalajangersakkat sukumi-
sut ilusilerneqarnissaat. Aalajangersakkat atortinneqassapput utoqqaat illussaa-
ta sananeranut illoqarfiullu qorsuttassaata killissaanut.

Immikkoortumut pilersaarusiukkap nunaminertaa pingasunut agguataagaavoq I, II aam-
ma III tamarmik immikkut atorineqarfissaat aalajangiigaasoq.

Immikkoortumut pilersaarusiukkamik tamatuminnga siunertaavoq nunaminertamut tamar-
miusumut killiliussat ataqtigiissut aalajangiunneqarnissaat imannak illuliortiter-
fissaq qorsuttassallu ataatsimut illuliassanik titartaasarnermut illoqarfimmillu
pilersaarusiornermut tunngatillugu imminnut tulluurtussanngortinniarlugit.

2. Immikkoortumut pilersaarusiorkiusup pilersaarusiukkanut allanut naleqqiunna.

Immikkoortumut pilersaarusiugaq S7-2 illoqarfimmut pilersaarusiap killilikkamik
nunaminertani S7-imiippoq. Immikkoortumut pilersaarusiukkap illoqarfimmut piler-
saarusiami sanaartorfissaq B tamakkersimavaa. (tak. nunap assinganik bilag 1).

Illoqarfimmut pilersaarusiami nunaminertaq tamanna atugassanngortinneqarsimavoq
sulissussiffissaliorfissatut inissialiorfissatullu (illut) ilaqartillugit ataatsi-
moorussanik pilersuiffinnik soorlu niuertarfinnik. Tamakku saniatigut illoqarfimmut
pilersaarusiami nunaminertat immikkoortinneqarsimapput illuliortiterfigeqqusaanngit-
sut illoqarfiup qorsuttassaasut atorineqartussat. (Pilersaarusiamik takussutissiatut
nunap assiliaq nr. 2 takuuk).

Taamaalilluni nunaminertami immikkoortumut pilersaarusiorkiusumi sananeqartussaap-
put inissiat aalajangersimasut tassalu utoqqarnut inissiat utoqqaat illuliartalugit.
Utoqqaat illussaat nunaminertami tassani inissineqartussaavoq immikkoortortami III-
mi. Illoqarfimmut pilersaarusiami nunaminertaq tamanna eqqarsaatigineqarsimagaluar-
poq illuliortiterfiussasoq illunik arlalinnut inissianik immikkuullarissunik marlun-
nik quleriiliusussanik 25-it miss. inissiaratartussanik inuit 80-it missaasa ini-
gisinnaasaannut naapertuuttunik. Taarsiullugu utoqqarnut inissialiornikkut nunami-
nertaq taama eqikkagaatiginngitsumik atorineqassaaq, tassa sananeqassammata inissiat
quleriiliunngitsut inuit 30-it inigisinnasaannut naapertuuttut.

Immikkoortortaq I massakkut B-783-imi niuertarfiusutut atorineqaannassaaq immikkoor-
tortarluni II pilersaarutigineqartumik illoqarfiup qorsuttassaasut atorineqassalluni.
Immikkoortortami I-imi niuertarfiup allitsiarnissaa periarfissaqartinneqassaaq im-
mikkoortortaq II illuliortiterfigeqqusaassanani eqqaassanngikkaanni aliannaarsaar-
finnik illutaliorneqarsinnaanera qorsuttap atorineqarnissarpiaanut naleqquttunik.
Nunaminertamut tassunga kingusinnerusukkat suliarineqarumaarpoq nunap isikkussaa-
nut pilersaarusiap nassuiaataasussaasoq nunaminertap atorineqarnissaanik siunerta-
mut sukumiisumut.

3. Immikkoortumut pilersaarusiap inatsisinit sunniutigigallagai.

Inatsisinit sunniutaagallartut atassuteqarput nunap immikkoortortaanut pilersaarum-
mut tassunga siunnersuummut. Immikkoortortamut pilersaarusiap tamanut tusagassiar-
neqarsimasooq nalunaarutigineqarpat nunaminertat pilersaarusiami ilaatinneqartut i-
laannaalluunniit illuliorfigineqanngikkallartussaavoq imaluunniit allatut ittumik
pilersaarusiap aalajangersagartaanut akerliusumik atorineqarqusaassanani kommunal-
bestyrelse akuersiseqqartinnagu (nunaminernik atugassanngortitsisarnermut peqqus-
sut § 24).

4. Immikkoortumut pilersaarusiap inatsisinit sunniutai.

Immikkoortortamut pilersaarusiap siunnersuut inaarutaasumik akuersissutigineqarpat
inatsisinit sunniutissat makku atortitaallissapput:

Immikkoortumut pilersaarusiap akuersissutigineqartumi nunaminertat ilaatinneqartut
iluanni makku peqqusaanngillat:


1. Nunaminertami sorliugaluartumiluunniit illuliortoqarnissaa imaluunniit pilersaa-
rusiamut akerliusumik nunaminertat atorineqarnissaat.

2. Illuliortiterfiusut arlaannaanniluunniit illuliat imaluunniit illunut uiguutit pilersaarusiarnut akerliusumik ilaneqarnissaat.
3. Pilersaarusiaq naapertorlugu illuliortiterfissamut aqusinniornissaa pitinnagu suusumilluunniit aqusinniortoqarnissaa (nunaminertanik atugassanngortitsisarnermut peqqussut § 24).
6. Immikkut akuersissuteqarsinnaanermut periarfissat.

Immikkoortumut pilersaarusiap aalajangersagartaasa pingaaruteqangaangitsutigut allanngortinneqarnissaat kommunalbestyrelsimit akuersissutigineqarsinnaavoq aatsaat pilersaarusiap imarisai pingaarnerit atorineqarnissaanullu aalajangersakkat tamatumanga kalluarneqassanngippata.

7. Immikkoortumut pilersaarusiarnik akuersissutiginnineq.

Tamanut saqqummiunneqarnissaanut piffissaatitaasup qaanginnerata kingornegut kommunalbestyrelsimit akuersissutigereerpagu pilersaarusiaq nunamut tamarmut pilersaarusiortarnermi ataatsimiititaliamut saqqummiunneqassaaq inaarutaasumik akuersissutigisassanngorlugu.



	<p>LOKALPLAN S7-2</p> <p>OVERSIGTSKORT MÅL 1: 2000</p> <p>Qaqortoq kommune</p>	<p>ALDERDOMSHJEM</p> <p>august 1988</p>	<p>Kortbilag nr</p> <p style="font-size: 2em; text-align: center;">1</p> <p style="text-align: right;">3</p>
--	--	---	--

§ 1. Illoqarfiup immikkoortuanut pilersaarusiap siunertai.

Imm. 1.1 Pilersaarusiap qulakkeeriffigissavaí nunaminertap atugassanngortinneqartup quleriiliunngitunik inissialiorfigineqarnissaa utoqqaat illussaannik kiisalu maannakku meeqqanik paaqqinnittarfiusumut B 160-imut atorineqartuarnissaa. Pilersaarusiapi atugassanngortinneqarsimapput nunaminertat aneerasaartarfissanut, aqqusinernut, aqqusineeqqanut, bilit uningasarfissaannut kiisalu kussialiorfissanut, erngup eqqakkallu kuuffiisa aqutissaannut. Illuliortitigasat ataasiakkaanut minnerusunut aggulunnerisigut anguniarneqassaaq illuliasat eqimattatut ataasiakkaatut isigineqarsinnaanissaat. Tamakku saniatigut pilersaarusiap qulakkeeriffigissavaa nunaminertap illuliorfigeqqusaasussaangitsup illoqarfiup qorsuttassaatut pigiinnarneqarnissaa.

§ 2. Immikkoortumut pilersaarusiukkap nunatamigut killingi.

Imm. 2.1 Illoqarfiup immikkoortortaanut pilersaarusiukkap nunataa isuliffeqarpoq nunap assinganik bilag nr. 3-mi ilanngullugu kakkersaassaasumi takutinneqartut.

Imm. 2.2 Immikkoortumut pilersaarusiap isuliffeqarpoq Ringvej-imut, Sanatorievejimut titarnermut avannamut-kujammoortumut B 160-p aamma B 749-ip akornannut.

Imm. 2.3 Immikkoortumut pilersaarusiap iluaniipput illut B 160, B 1044 aamma B 783.

Imm. 2.4 Immikkoortumut pilersaarusiap nunataa aggugaavoq immikkoortunut I - II aamma III-mut pilersaarusiukkamut nunap assiliami nr. 3-mi takutinneqartut.

§ 3. Immikkoortumut pilersaarusiap nunataata atorineqarnissaa.

Imm. 3.1 Immikkoortup nunataa I taameallaat atoqqusaavoq niuvertarfinnut sulissussifinnullu.

Imm. 3.2 Immikkoortup nunataa II taameallaat atorineqaaqusaavoq illoqarfiup qorsuttassaatut kingusinnerusukkut nunataata isikkusnaanut pilersaarusiap malillugu suliarineqartusseq. Sømændshjemmip eqqaani bilinut uningasarfiliortoqarsinnaavoq tamannalu taameallaat sanaffigineqarsinnaavoq illulianik aliannaarsaarfilianik illoqarfiup qorsuttassaanut atassuteqarluinnartunik.

Imm. 3.3 Immikkoortup nunataa III taameallaat atoqqusaavoq najugaqarfissatut paaqqinnittarfissanut tassaasusannut utoqqaat illuat - meeqqanik paaqqinnittarfik taakkununga ilaassallutik silami atortussat inissiallu.

Imm. 3.4 Immikkoortumut pilersaarusiukkap nunataani nunaminertat illuliorfiunngitsut silami ilioqqaavittut atorineqaaqusaanngillat.

Imm. 3.5 Kommunalbestyrelsip inerteqqutigisinnaavaa hunaminertami bilit uningatinneqartarnissaat imaluunniit qamutit motorillit sulissutit, angallatit taamaaqataasaluunniit nunaminertap inissiartaasa/paaqqinnittarfiisa isikkuinik allanngortitsisuusut uningasussatut ilineqartarnissaat.

§ 4. Aqquserngit, aqqusineeqqat bilillu uningasarfii.

Imm. 4.1 Tassunga nunaminertaq atugassanngortinneqassaaq sumiiffiup A-p B-llu akornanni aamma B-p C-llu akornanni atassutissaaq 1,5 meterisut silitsigisoq (tak. nunap assinganik bilag nr. 2 aamma 3). Sumiiffimmi D-mi aqqusinniortoqassaaq 4 meterisut silitsigisumik utoqqaat iluata kaajaluiseani bilit uningasarfiata tungaanut pulammaattarfissamik.

- Imm. 4.2 Sanatorievej Ringvejilu atuarlugit nunaminertaq 1 meterisut silitsigisoq in-niminnerneqassaaq kussiassatut atugassaq.
- Imm. 4.3 Illuliortiterfiusumut bilinut uninngasarfiliassaq sanaartorfiusup iluaniis-saaq bilit tallimaniit qulinut uninngasarnissaannut periarfissalerlugu.
- § 5. Sanaartorfiusussap annertussusia inissisimaneralu.
- Imm. 5.1 Immikkoortup nunataa III illuliortiterfiususaaq taamaallaat sanaffigeqqusaa-voq pilersaarummut takussutissiami takutinneqartutut illuliortiternissamut najoqqutassiamut naapertuuttunik (tak. nunap assinganik bilag nr. 2).
- Imm. 5.2 Immikkoortup nunataata III-p iluani sanaartorneqassapput illuliat immikkoor-tut pingasut tamarmik immikkut qulinik initaqartut. Illuliat immikkoortui ta-marmik allanut atanatik immikkoortuussapput immikkoortunut allanut atassute-qarnikkut periarfissaqartinneqarlutik.
- Imm. 5.3 Immikkoortup nunataani III-mi illut quleriinnit marlunnit prtunerusunngorlu-git sananeqassanngillat.
- Imm. 5.4 Illut immikkoortut tamarmik immikkut sananeqassapput sananissap immikkoortui-sut sananissap immikkoortuanik I-imik aallartillutik, sinnerilu kingusinneru-sukkut malinnaassallutik, annertusaanissamut pilersaarusiassaq isumaqatigiis-sutigeqqaarlugu.
- Imm. 5.5 Illuliat saassaat sanaffissap titarnera atuartillugu inissinneqassapput Sana-torievejimiit Ringvejillu qeqqaniit 7 meterinik ungasissuseqartillugit. Sa-naffissap titarnera qorsuttassap tungaanoortusaaq kingusinnerusukkut sumiif-fissarpiaa kommunalbestyrelsimit aalajangerneqassaaq, kisiannili illut saas-saasaatassanissaaq sanaffissap titarnera malissavaat. Nunaminertap kujammut-kimmuut tegeqqua pilersaarusiama takussutissiami takutinneqartutut killingius saarissineqarsinnaavoq.
- Imm. 5.6 Immikkoortup nunataani II-mi pisariaqarpat taamaallaat sanasoqarsinnaavoq il-lumik aliannaarsaarfiliamik, illuaqqamik taamaaqataannilluunniit illoqarfiup qorsuttassaanut atassuteqarluinnartunik.
- § 6. Sanaartukkat silatiminni isikkussaat.
- Imm. 6.1 Illuliat silatiminni iigaat qisunnit sanaajussepput qalipaateqartinneqassal-lutillu kommunalbestyrelsip erseqqinnerusumik aalajangigaanik.
- Imm. 6.2 Qaliaat pappialarsuaqassapput.
- Imm. 6.3 Qaliaasa orlinganerat 20-miit 30 graditut uingetigissaaq qaliatut "quassuga-littut".
- § 7. Nunaminertat illuliorfissaanngitsut.
- Imm. 7.1 Immikkoortup nunataani II-mi nunaminertat toornernik killissalersukkat ator-tussanngortinneqassapput nunaminertatut illuliorfissaanngitsutut/illoqarfiup qorsuttassaatut.
- Imm. 7.2 Qorsuttassap nammineq ilusilersornissaa nunap isikkusnaanik pilersaarusi-u-gassaq malillugu pissaaq taassuma ilagissammagit nunatalersornissaanut, ilu-silersornissaanut, qaammaqutissanut, bilit uninngasarfissaanut, uninngaar-tarfissanut pinnguartarfissanullu il.il. pilersaarusiata.


- Imm. 7.3 Nunaminertaq "pisatsersorneqareeruni" atorneqaqqusaajunnaassaaq atortuutunik taamaaqataannilluunniit ilioqqaavittut.
- Imm. 7.4 Illuliortiterfiusup/illut eqqaanni nuna nalimmatserneqassaaq imannak tassa nunap qaata imertaa kuutsinneqarsinnaangorlugu nunalu tamanna saligaatsuutin neqassaaq.
- Imm. 7.5 Utoqqaat illuannut attuumasumik aneersuarterfiliortoqarsinnaavoq illut saava-niit uuttorlugu silinnerpaaffimmigut 2.5 meterisut silitsigisumik.
- Imm. 7.6 Nunaminertat illuliorfiunngitsut naasortaat imaluunniit nunataasa qaavi sa-naartornermik pissuteqartumik aserorneqarsimasut pissusitoqaattut ilisinne-qaqqissapput.

§ 8 Kussiassat teknikkikkullu atortulersuutit.

- Imm. 8.1 Imeq igitassaq eqqaaviit kuuffiisigut kuutsinneqartassaaq. Nunap qaata imer-taa tassunga ilaatillugu imeq illut qaliaanneersoq (sialuk) eqqaaviit kuuf-fiisigoortinneqassanngilaq kuutsinneqartassallunili illuliortiterfiup, aqqu-sernit, aqqusineqqat nunaminertallu illuliorfiunngitsut avatangiisaannut a-kornutaanngitsumik.
- Imm. 8.2 Illuliortiterfiusoq namminerisaminik kiassaateqarfilerneqassaaq.
- Imm. 8.3 Nunap qaata ernga kuutsinneqartassaaq illqoarfiup kussiartaasigut aqqusernit atuarlugit sanaatigut. Pingaartumik kujataa'tungaa imertaqarfiuvoq.
- Imm. 8.4 Sanaartukkat ukioq kaajallallugu imermut atassuserneqassapput.


§ 9. Akuersilluni atsiuinerit.


Immikkoortumut pilersaarusiaq 57-2 akuersissutigineqarpoq kommunalbestyrelsesimit ulloq 1988.



Henrik Lund
Borgmester


Leif Ellebæk
Kommunaldirektør


Immikkoortumut pilersaarusiaq 57-2 akuersissutigineqarpoq kommunalbestyrelsesimit ulloq 1988.


Henrik Lund
Borgmester



Leif Ellebæk
Kommunaldirektør



	<p>LOKALPLAN S7-2</p> <p>RAMMEKORT FRA BYPLAN 1: 2000</p> <p>Qaortoq kommune</p>	<p>ALDERDOMSHJEM</p> <p>august 1988</p>	<p>Kortbilag nr</p> <p>2</p> <p>7</p>
--	--	---	--



	<p>LOKALPLAN S7-2</p> <p>Illustrationsplan</p> <p>Qaqortoq kommune</p>	<p>ALDERDOMSHJEM</p> <p>august 1988</p>	<p>Kortbilag nr.</p> <p>3</p>
--	--	---	--------------------------------------



VEDTÆGTSDELL

Kortbilag nr 4

ALDERDOMSHJEM

LOKALPLAN S7-2

LOKALPLANKORT MÅL 1:500

august 1988

Qagortog kommune

Signaturer
 lokalplangrænse
 delområdegrænse
 byggelinie
 Stiføring

